

# MAMAN


la VÔS dai FURLANS



Projet promovût di 'La Vôs dai Furlans' e 'ARLeF'

Lu saveviso che...?

La ghitare e je un strument musicâl a sîs cuardis. E à la forme dal numar 8, cuntune grande panze e un mani lunc e dret là che a son lis cuardis. Si sune cun dutis dôs lis mans, piçant lis cuardis cui dêts o cuntun piçul imprest a triangul, il pletri. La buse taronde tal mieç de panze e fâs rivocâ lis notis. Cualchidune e jê basse come une vôs che e bruntule, altris invezit a son altis come ridadis! Fruts, vêso mai provât a sunâ la ghitare o cualchi altri strument?



Il carton de setemane


I Numaruts si sfidin intune gare divertente: dispar cuintri pârs. A ritmi di musiche lis dôs scuadris a impararan cemût che a funzionin lis adizions.

Cjalìn insieme la pontade di *I Numaruts* "Une storie che no torne" su YouTube ARLeF

Ridi a plene panze!

Ce aie non la fantate americane plui avilide? Judy Suste!

## Pontut par pontut... e piture!



## Cumò fâs tu!

Cognossistu i struments musicâi che a son in chest dissen? Prove dîs il lôr non.



LES IMAGES A SON GIAMADIS FÛRDI HTTPS://ITEREPEK.COM - HTTPS://PKABAY.COM - HTTPS://ARLEF.IT/

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

## STELIS E LUSIGNIS

Noa



**Roc.** Se tu rivis a puartâ a cjase un biel risultât, tu viodarâs che ancje chei altris a rivin di rive jù.



**Gjambar.** Sul lavôr tu âs plui di cualchi fastidi che ti fasin dome imberdeâ i pinsîrs tal cjâf.



**Balance.** Meti in bande la braûre nol è semplic par nissun, soledut par te.



**Bec di mont.** Par fâ lis robis domande une man ai amîs, ma prime di dâ ordins cîr di scoltâ di lôr cualchi consei.



**Taur.** Ti plâs stâ cidin, ma par une cuistion impuartante tu âs di fâ sintî la tô vôs.



**Leon.** Cîr di jessi te stes, cence lâ daûr a ce che chei altris a vuelin che tu sedis.



**Sgarpion.** In amôr alc si sta movint, ancje se no tu sâs di precis ce: lasse fâ al timp.



**Agarûl.** Pierdi timp nol è simpri un mâl, parcè che ti da la pussibilitât di pensâ miôr su cierts rapuarts.



**Zimui.** Ti oblearan a fâ une robe che no ti plâs, ma la vite no je dute fate dome di garofui.



**Vergjine.** Inte agjende dal cûr tu âs za cetantis cuistions viertis, no covente zontâ une di plui.



**Sagjitari.** Cjalâsi indaûr al pues coventâ par tornâ a leâ rapuarts cuntune persone lassade pierdi.



**Pes.** Fasint une robe che ti plâs une vore, tu viodarâs che il timp al passe intun colp.

